

商南縣志第九卷目錄

人物志

烈女

節婦

軍功

流寓

藝術

商南縣志

卷九 目錄

一

西安藝林印書社代印

商南縣志第九卷

節烈

廉恥者根諸性豈可強哉彼匹婦女子生長於閨闈井竈間非能明著衣冠高談仁義也乃之死靡他大節皎然甘窮餓而不悔視刀鋸其如飴何耶誠以情激於中性不能自己焉耳邑貞魂淪沒罪在有司彼周陳氏侯李氏者其全豹一斑也

烈女

清

增

陳女周大菁未婚妻陳次女曹九兒未婚妻同治三年姊妹入山

商南縣志

卷九 節烈

一

西安藝林印書社代印

避賊均爲所擄牽一馬強姊妹同騎赴營行至山巖乃曰山路窄狹將纏授我賊未及防忽策馬飛巖而死賊亦墮後人有詩弔之曰同根姊妹花齊落一樣幽冥路共歸二女有知讀之當一字一淚

祁女儒童李恭修未婚妻恭修故姑力勸另配女悲泣不食痛絕復甦者再隨赴墓所素妝結髮矢死靡他立堂姪善誘爲嗣撫教兼施卒能自立邑宰趙公詳請上憲准建坊以昭節烈

王文寬二女住邑南湘河保姊妹年已及笄均未字同治元年髮匪犯商二女入山避賦遙窺尾之追將及二女恐受污辱倉皇無計均墜巖死歲貢生王錫之題詩一首以弔其貞烈詩載藝

文

張女王長貴未婚妻也光緒三年大饑有乞人張媪偕幼女至王門王母見女秀曼欲訂爲兒婦媪許之留女自去女十四夫故女衰服送殯臨壙痛泣幾絕欲效共姜恐伯兄奪其志歸自縊鄉人哀之請旨建坊以昭貞烈

謝女張澍未婚妻女年十六夫亡屢欲自盡轉念翁姑誰事髻夫墓矢柏舟志擇姪立嗣并曰親操孝親教子終身如一士紳爲請旌建坊以垂不朽

潘女胡貴未婚妻也幼讀烈女傳心好之嗣許盧邑胡姓未于歸胡生物故女聞訃痛泣不食夜自盡從亡人於泉下遠近聞知

商南縣志

卷九 節烈

二

西安藝林印書社代印

莫不欽其節烈

節婦

清

侯李氏年十四歸邑廩生侯肅事舅姑至孝年二十七肅死乏嗣氏號慟幾絕欲從亡人於地下者數矣旣而曰我死不足惜而忍令垂白高堂無養耶以姪侯伯章爲己子頃之家稍落氏并曰操作手女紅躬親泝澣雖膚指瘡疥弗輟也後姑舅相繼亡氏捐棄簪珥備衾椁以盡禮子稍長就外傳時跡其勤惰咕嗶不休也則棗栗遺之否必令長跽移時且哭且勸以婦事代子母事代父者三十二年前郭令請旌建坊表其閭乾隆丁卯卒

氏生於康熙辛酉壽六十有六宅清油河鎮鎮烟火數十家住來衝道間架臺徘徊優婦女觀者如蟻附氏闔扉端坐未嘗從門隙一措趾其淑且慎殆根諸性焉余司土三年聞有節烈者輒奮筆書之氏如是是可以風較諸激烈一時不難自裁以殉者又加一等矣乾隆十三年秋爲之置主人祀節孝祠按州志云商屬烈女較他志爲獨多可以徵商俗之貞而不淫矣其間商南無一列入者今父老嘗爲余言明崇禎六年十二月流寇行橫狼一斗穀掃地王滿天星等破邑城又康熙十四年吳三桂叛雲南十五年湯偽將軍九月破邑城二次婦女罵賊受戮投城投井自刎自縊者不一其人當時筆無紀載事後有司弗諮訪詳達燐火霜月清夜呻吟春秋祭祀日當仰望長空洒一滴以告曰貞魂來享庶可愧當時有司於地下以慰烈婦女之仙靈於天上也耶

增

知事胡大化奉旨令查舉節孝婦一案經前令查報造冊道光十五年復奉前因本縣隨檢查前案將現存已故節婦仍復造冊申報今奉旨准於節孝祠外總建一坊其有貞孝節烈婦女亦准設位入祠永享春秋祭祀所有姓名開列於後

處士李自叢之妻張氏

民人陳英魁之妻汪氏

處士李懷成之妻王氏

生員周 普之妻姚氏

民人劉效仁之妻許氏

武生李率祖之妻梁氏

民人劉後川之妻徐氏

民人方高遠之妻吳氏

民人盧效明之妻陳氏

童生宋天柱之妻李氏

民人鄒昌華之妻羅氏

民人龔光祖之妻黃氏

童生宋節皆之妻江氏

民人龔光裕之妻李氏

生員程攀楊之妻翟氏

民人劉長庚之妻蕭氏

童生劉成龍之妻孫氏

處士王照和之妻劉氏

民人劉世昂之妻徐氏

監生崔殿選之妻孫氏

童生聶書謨之妻潘氏

民人劉國林之妻程氏

生員楊逢春之妻董氏

處士李大德之妻祁氏

商南縣志

卷九 節烈

四

西安藝林印書社代印

童生李自益之妻王氏

處士李懷玉之妻蔡氏

民人林紹春之妻胡氏

處士帥長青之妻向氏

童生余必發之妻璩氏

民人何正鵬之妻張氏

民人姚曉倉之妻吳氏

童生程攀榮之妻吳氏

廩生楊文秀之妻吳氏

民人王 雙之妻戎氏

民人王以順之妻王氏

民人朱永和之妻梅氏

民人戴步高之妻魯氏

庠生馬當華之妻呂氏

生員高若谷之妻余氏

生員梁學敏之妻李氏

處士王者相之妻崔氏

生員汪道千之妻陳氏

處士李學坤之妻王氏

童生何德容之妻洪氏

民人陳義贊之妻彭氏

處士陳殿華之妻何氏

處士吳銘勛之妻楊氏

民人姚麟定之妻冀氏

民人姚麟強之妻段氏

處士高宗明之妻章氏

貢生田經邦之妻錢氏

童生熊 坤之妻江氏

處士周茂元之妻宛氏

民人李有才之妻王氏

民人陳以仁之妻林氏

處士楊維麒之妻姚氏

處士左秉元之妻朱氏

生員李宗儒之妻祁氏

儒童湯文廣之妻周氏

處士章敏懷之妻朱氏

民人宋吉士之妻陳氏

民人高鳳儀之妻王氏

童生高宗顯之妻陳氏

民人王順臣之妻方氏

商南縣志

卷九 節烈

五

西安藝林印書社代印

童生高錫華之妻潘氏

童生梁山鵬之妻田氏

民人朱 頌之妻劉氏

處士陳超羣之妻劉氏

儒童李載黃之妻朱氏

童生呂震啓之妻楊氏

民人李致祥之妻陳氏

民人姚順天之妻袁氏

朱余氏朱鴻儒之妻于歸五閱月鴻儒病故上有垂白孀姑下有

幼穉弱弟卽於鴻儒柩前剪髮立誓以矢靡他未幾弟復歿旣

爲死者悲又爲裡祀慮擇立族姪以承宗祧治家勤儉卒稱小

康鄉鄰請旨建坊以嘉乃節

坊立邑東崗

袁蔡氏袁志高之妻邑南鄉人同治元年髮逆犯境搜山逼近婦

身婦抗節不污拒而大罵爲賊所殺

郃韓氏郃有才之妻同治三年三月偕孀母盧氏登山避賊賊追及逼令下山自度不免污辱並投巖而死

周何氏周子芝之妻髮逆將至恐爲所擄忿激自縊

劉詹氏附生劉步錢之妻同治元年三月寇猝至恐受污辱飛巖死

黃蕭氏陽泰妻同治二年藍匪至趙家川大肆搜擄氏恐遭污辱
匿身金家溝數日餓死邑宰詳請上憲准入祀節孝祠

黃陳氏允中妻同治二年藍賊入境圍破仙人洞氏見賊逼甚急
恐不免污辱投巖而死邑宰詳上憲准入祀節孝祠

周畢氏佩芬妻同治二年藍賊入境圍破螞蚊洞氏恐見污先將

商南縣志

卷九 節烈

六

西安藝林印書社代印

二子投井後自縊死邑宰詳上憲准入祀節孝祠

楊董氏附生逢春之妻年二十二夫故家慕貧氏矢志冰霜撫嗣
子成立甘辛苦勤紡績卒致家道裕如子孫林立守節五十餘
年人無間言洵巾幗之完人也

李蔡氏懷玉妻二十五歲夫故堅心守節計四十餘年遺一子教
養授室卒入邑庠其貞行苦節邑人至今猶爲稱嘆

李王氏身修之妻李馮氏爾修之妻二氏於歸未幾身爾兄弟相
繼卒二氏同矢共姜志終身不易皆享壽七十餘冰雪之操可
以光門楣而並傳不朽

李王氏自益妻也於歸二年夫故氏年僅二十姑老子幼矢志守

貞事七旬衰姑克盡孝道撫一歲幼子教以義方家道艱難治以節儉辛苦異常人皆惋惜氏獨安之毫無怨言松柏貞操實堪矜式

高王氏高光之妻十六歲於歸不數年夫故無子翁患癱疾十餘年氏侍奉罔懈及翁姑相繼卒祭葬盡禮擇姪爲嗣氏教養兼施勗子成名鄉人欽之請旨建坊以昭節孝

劉陳氏劉自敏妻幽閒貞靜矢志冰霜數十年如一日後蒙勅贈坤儀足式四字邑貢生熊佐周爲之撰文表厥節孝

傳載藝文

路杜氏文童路青雲之妻也少艾孀居撫子成立媳田氏亦青年喪偶以一線而繫千鈞竹節松筠錫類不匱己之節凜若冰霜

商南縣志

卷九 節烈

七

西安藝林印書社代印

媳之節保全終始成己兼能成人巾幗中不可多得節婦中亦難數觀者也同治十年親友爲請旌建坊以彰乃節並贈屏撰文爲後世勸

文載藝文

陳溫氏鴻耀妻也年二十夫故矢共姜柏舟志之死靡他時親老子幼定省之餘兼施教養年逾古稀孫曾昌熾邑侯爲請旨建坊

董張氏旦昌之妻年二十五夫亡甘貧苦守雖饗餐不給紡織縫紉未嘗稍輟後家道少有其餘置祭田計租數石爲祀祖計享年八旬餘邑人莫不欽敬

李朱氏肇陽妻於歸六載生子恭修甫月餘夫故氏矢柏舟志持

家整肅御下以慈享年七十而卒欽贈六品安人並准建坊以旌貞節

余潘氏邦柳妻也年二十夫故子在襁褓家貧朝不顧夕氏撫遺孤安貧賤冰雪之操終身不易壽八旬餘子朝泰成名孫曾繞膝皆氏維持之力也

曹劉氏伯灝妻生子典策曹張氏伯慎妻生子典雅灝慎昆仲相繼卒劉年僅二十三張年僅二十七兩孺人觸棺號泣欲從亡人於地下第見翁姑衰老策雅冲齡殉死卽無以盡孝慈於是事蓄兼盡兩子均以文武成名至今書香似續家道小康皆二氏有以維持於始也蒙陝甘學憲馮獎給松筠柏節匾額並准建坊孫壻刑部主政吳慶揚撰有一門雙節傳

商南縣志

卷九 節烈

八

西安藝林印書社代印

李路氏豔超妻也年二十四夫故氏上事衰姑下撫穉子并曰親操自甘藜藿雖艱難萬狀而柏舟之志始終不易後子名列成均氏年近八旬而卒鄉人請旌以表其節孝

李金氏豔生原配也年二十二夫亡翁姑相繼逝一子僅三齡氏堅志苦守家窶貧紡織自度咸同年髮捻疊擾攜子藏深谷中惟恐失子絕先人祀氏享年七旬餘無病終邑紳爲請旌表李方氏坤元之妻年二十五夫亡子幼上有白髮孀姑家窶貧矢志靡他鋤禾刈麥績麻採薪不憚艱苦撫孤子成立氏享年八旬家道卒稱小康

葉阮氏延義之妻年二十夫故子甫兩月終日痛泣幾不欲生轉念遺孤無託遂矢柏舟志苦心撫育勤儉持家及子昌維成立亦能仰承母意克振家聲氏享年八十四邑紳稟請學憲吳批德著松筠四字以旌之

葉劉氏昌和妻也年二十喪夫子宗璜尚在襁褓翁姑衰邁仰事俯蓄克盡孝慈無何翁姑相繼歿氏貞守益堅擇師教子得入邑庠鄉先生稟請學憲吳批苦節終亨四字以旌其閭

趙李氏登第繼室也夫故無子撫其兄次子爲嗣事翁姑以孝聞平居最講陰隲和睦親鄰周濟貧乏慈惠之名聞於鄉里尤能以忍持家子孫繁衍邑宰臧公詳請撫憲獎給五世同堂匾額以彰其德氏亡年九十至今人仰母儀焉

商南縣志

卷九 節烈

九

西安藝林印書社代印

田王氏達人妻也十八歲夫故無嗣誓不再醮矢志柏舟茹蘗飲冰克完貞節以姪子秀承祧撫養如己出教以義方俾克成立享壽七十三歲衆紳稟請陳學憲獎壺範昭垂四字匾額以表其節

賀陳氏懷用妻生子琪甫六齡氏夫翁相繼物故時氏年二十有三孀姑幼子一身任之卒能仰事俯蓄克盡孝慈子妙年入泮家稱富有皆氏之苦節有以昌厥後也勅贈旌表宜乎學憲轉請懿旨旌表宅里以彰節孝

賀祁氏貢生祁世澄次女孺童賀懷智妻也十九歲夫歿氏哀痛

幾絕欲自盡母勸之曰爾死可矣襁褓中物誰託耶氏恍然矢志靡他上事衰翁孝養克盡下撫孤子愛之必勞子稍長就讀外祖名列邑庠氏歿後族黨爲之請旌以彰節孝

何戴氏元亨妻年十八夫故四月後生遺腹子氏上事翁姑下撫遺孤晝耕耘夜紡織茹荼飲藥歷盡艱辛數十年如一日沒後學憲黎獎節峻寒松四字以旌之

賀田氏誠明妻也年二十夫歿一子甫二歲氏撤簪珥之死靡他事孀姑撫幼子孝慈二字惟恐稍虧衆紳爲之請旌表厥門閭朱顧氏東林妻念六歲夫故家赤貧二子尙幼氏矢志靡他日耨鋤夜紡績零丁孤苦凍餒失形光緒初大饑姑欲奪其志俾得

商南縣志

卷九 節烈

十

西安藝林印書社代印

兩全生命氏對姑誓曰身可死志不可奪冰霜凜烈姑勉慰之由是力任艱鉅先難後獲二子均能克家置租稞十餘石今年已八旬猶康健異常斯亦巾幗中之卓卓者

阮雷氏吏員文彩之妻于歸後髮匪至文彩承辦文件積勞病故時氏年二十六誓不願生親鄰以姑老家貧子幼無依勸遂操杵臼勤績紡割股以療姑病茹苦含辛經四十餘載光緒十五年學政奏旌節孝勅主入祀

何吳氏承忠妻也年二十二夫故遺一子家貧無立錐地氏矢志冰霜孝翁姑課幼子孤苦丁零艱難萬狀中年子復喪氏撫孤孫晝耕夜織利集繩頭由是累百累千置田數十坵至今孫曾

繞膝家道小康親族欽之請節操松筠匾額以垂不朽

孟侯氏民人孟克儉妻光緒三年夫故家貧姑老二子皆髫齡氏矢志守節適歲大旱以縫紉績紡供姑食自甘藜藿聊以充飢迄姑歿親鄰感其孝多爲助葬

余高氏太學生昌廷妻于歸數年姑歿翁在氏事之維謹年二十三夫故二子俱幼氏痛泣幾絕撫養二子經理營業冰霜志節始終不易黎學政獎孝慈完節四字匾額以旌表之

劉汪氏國學生劉存裕妻二十六歲夫歿矢志柏舟上奉孀姑下撫癡兒光緒二十六年饑出錢五百串重修富水關城垣仿以工代賑法後復遇凶歲孫永炎仰承其意糶穀以賑鄉鄰爲數

商南縣志

卷九 節烈

十一

西安藝林印書社代印

甚巨族黨德之稟請學憲旌節峻寒松四字並建碑富水東門外以資激勸

馮周氏夢雲之妻年二十四夫故有孕後生子大振氏矢志冰霜孝翁姑撫幼子茹苦含辛數十年無異志朱學憲獎冰玉同清四字以旌其節

邱宋氏邑西邱仁風妻年二十一夫亡守節事舅姑最孝光緒初大饑氏懇翁開倉賑濟地方德之呈請沈學院獎志堅節全匾額以誌節孝於不朽云

黃陳氏舒韜妻年二十一夫故遺子僅半歲氏矢志撫孤教養成立蒙學政獎冰清玉潔四字匾額以彰其節

黃陳氏萬卷妻年二十三夫亡越三月生一子氏撫之成立事翁姑以孝聞一生玉潔冰清備嘗辛苦趙學政獎孝慈篤節四字匾額至今猶存

黃陳氏萬啓妻年二十一夫亡子幼氏上事衰老翁姑下撫冲齡穉子茹苦甘貧終不易其志趙學政獎朗節如新四字永垂不朽

魏陳氏效聖之妻年二十夫亡以兄子翔琳爲嗣時姑年七十餘臥病七年氏親視湯藥始終無間享年七十慕學政獎茹苦完貞四字以昭節孝

陳任氏陳肇順之母夫貿易葬於江魚腹中卒能抗志共姜斷機

商南縣志

卷九 節烈

十二

西安藝林印書社代印

訓子節固不待言而茹苦含辛轉貧爲富更採風者之不可忽也

陳節婦邑金斗溝汪培生妻也培生父增生諱銳素稱名士湖北提督軍門聘爲行軍教授未幾翁卒於幕姑亦逝培生疽發死婦年二十餘痛絕復甦哀動鄰里冰霜志節百折不回爲培生立後卒能繩繩繼繼家有起色今年已七十矣猶夙興夜寐勤勞如故殆敬姜之流亞歟

曹康氏邑廩生禹堂妻也事舅姑以孝聞不惟能養口體兼能養志奉事之誠可見一斑年二十八夫故二子尙幼氏杵臼親操義方訓子孤苦之情不堪言狀邑侯臧請節勵冰霜四字以旌

節孝

曹焦氏增生士偉之妻年二十二生子一甫月餘夫故痛泣幾絕誓以身殉親族苦勸爲後嗣計氏因家貧親操杵臼夜紡晝耕不言辛苦姑年八十餘失明者三十載氏事之盡誠盡禮毫無怨言誠節孝兩全也歟

曹杜氏觀書妻也年二十生子甫一歲夫故氏年少頗知大義零丁孤苦誓守不移事姑維謹撫子成立數十年冰霜志節辛苦經營實足爲後世孀居者法

曹吳氏士昆之妻年二十五寡居姑老子幼氏矢堅貞操杵臼力耕耘老者安之少者撫之卒能節孝完全永垂不朽

商南縣志

卷九 節烈

十三

西安藝林印書社代印

賀王氏秉衡妻也年二十四夫故女三齡子甫週歲氏矢柏舟志茹苦含辛勤理家務卒能撫子成立顯揚其苦節可貞

高李氏文童秉善妻也年二十一夫故氏矢志堅貞上事衰老翁姑下撫週歲孤兒守節持家勤勞罔懈不幸中年子喪以猶子爲嗣氏享年六十四歿之日鄉人皆哀感焉

據劉氏文童邦昇之妻年二十四生一女同治元年夫被髮匪擄去氏矢死靡他以兄之次子爲嗣訓子娶媳治家有方事翁姑以孝聞不幸女又夭哭夫泣女因而喪明生平不履戲場不參神廟無事不出外庭卒年六十六貞節之操四十年如一日

曹楊氏之楷妻也年二十夫故子在襁褓氏號慟幾絕欲偕亡人

俱逝轉念翁染殘疾姑目矇朧朝露垂危責無旁貸六尺遺孤
又將誰託由是日躬耕夜紡績事上撫下數十年無怨辭竊幸
孤子成立孫曾蕃衍其似續之功松筠之節至今族黨猶稱頌
不衰

朱傅氏泰舒妻也年二十六夫故翁姑年俱邁氏誠心奉養節守
彌貞及翁卒事姑益謹並能經理家務有條不紊惜無子以姪
兆蘭嗣焉今年逾六旬賢德之稱人無間言

朱傅氏泰祥之妻未于歸夫死以猶子運魁嗣焉氏堅貞永矢事
翁姑孝敬異常今姑年逾古稀疾病扶持一身任之數十年無
少懈其節孝兩全實巾幗中不可多得者

商南縣志

卷九 節烈

十四

西安藝林印書社代印

殷朱氏先美妻也二十一歲夫故乏嗣氏矢志守節事翁姑以孝
聞夫伯兄不良屢欲奪其志氏甘貧食賤紡織謀生至老無怨
曹楊氏永林之妻年二十生子一二十一歲夫故矢志堅守姑老
盲聾氏曲意承志孝養不倦姑享年九十二而終猶力爲營葬
思念不忘氏今年七十六孫曾林立鄉人稱之

曹吳氏薦書妻也年二十三生子甫五月夫故翁亦卒氏立志守
節奉姑惟謹姑享年七十九而卒撫幼子成人繼嗣不絕氏今
年五十七歲勤儉貞靜人無間言

馮周氏大智妻也年二十一夫卒無子翁姑欲奪其志氏安心守
節誓死靡他撫姪爲嗣安貧無怨孝敬翁姑遠近無間言

田嚴氏邑西田必榮繼室也夫死氏年二十五子甫月餘家貧如洗氏矢柏舟志藉針指糊口壽享六旬餘而卒

馬宋氏朝君妻也年十九適馬事姑至孝家貧夫拙終無交謫聲民國三年白匪犯商氏同婦女數十避亂蕭家溝賊尾之將逼近氏抱週歲幼女同墜死巖下聞者莫不烈之

璩吳氏詒鼎妻也少嫻母訓不茹葷精女紅于歸二年生子甫月餘夫卒氏撫孤事親誓不改嫁居無何孤子夭亡翁姑亦相繼歿遺二弟年尚幼家貧不能自給氏親操杵臼爲人作針指度日及二弟成立爲之娶親完配遂撫弟子爲嗣家亦稍裕氏仍堅苦自勵操作如故殆所謂苦節可貞者歟

商南縣志

卷九 節烈

十五

西安藝林印書社代印

李王氏武生李春魁之妻也二十歲寡居事繼姑至孝撫姪爲嗣憔悴憂傷貞操永矢歿後貢生王開運曾贈贊語名士韋其相並贈輓聯

嚴柯氏光昌妻民國五年夏潰兵過境氏避未及潰兵欲污之氏罵不絕口遂遇害邑宰朱公高其志詳請旌表以彰節烈

周宋氏增生煥堂妻于歸後孝翁姑和妯娌遠近無間言民國三年春白匪陷城氏被執罵不絕口匪怒立斃之

軍功

清

增

程 斌字偉人邑庠生才勇兼全嘉慶元年白蓮教作亂賊匪數千由雒邑入商公帶鄉勇數百扼守清油河潭波一帶奮勇直前擊退賊匪閭邑賴以無恙邑宰感公義勇贈有藝林奪幟匾額以誌不朽云

黃愷元嘉慶二年白蓮教倡亂公督辦鄉團帶勇六百餘名駐紮趙家川防堵屢戰有功上憲獎給把總職銜十五年大饑賑恤三次全活民命甚衆朱巡撫獎給樂善好施匾額

商南縣志

卷九 軍功

一

西安藝林印書社代印

儒童魏效文字煥章嘉慶二年白蓮教匪犯商公督辦鄉團在赤地富水等處防堵斃匪數十名邑宰獎贈保衛桑梓匾額並保舉縣丞以昭激勸

章法宗邑東勇士道光初賊據盤鄂兩縣官軍攻城不下後徵調各縣團兵公帶鄉勇數千人直搗西秦甫至縣界賊聞風夜遁上憲嘉其勇獎給六品軍功以把總補用

何元吉同治初髮逆犯商公練鄉勇數百人與賊迎擊殺斃悍賊多名賊改道去邑侯夏公嘉其勇詳請上憲獎給六品軍功田遇天字凌霄性剛勇善騎射有勇知方克全孝友繼母病親嘗湯藥侍母側衣不解帶者數閱月同治初髮逆入陝公倡修村

寨七處人賴以全亂後匪乘隙劫奪公帶團捕緝地方得以安靖藍軍門駐防武關聞公果毅深器之委辦糧臺隨保舉軍功議敘千總在商州協標効力有年卒於差所鄉人士贊嘆不休田秀芝邑庠生同治初賊據白河縣官兵屢攻不下後徵各縣鄉兵公帶團勇數百人至白河擊退羣賊邑宰嘉其勇詳請上憲獎給六品軍功

劉 鵬邑十里鋪人壯歲從戎保舉千總旋里後訓練鄉勇上峯委署趙家川經制同治元年堵禦藍匪寡不敵衆遂遇害

流寓

自昔賢人才士轍跡所至地因爲重故仲宣依劉世傳登樓之賦
子美在蜀人頌浣花之詩蓋海產明珠在在爲寶豈如懷土者足
不出戶庭而謂人離鄉賤也哉

唐

李 白 白 邑南鄭全寨山巖鑄太白載酒時遊賞七大字州志白
號太白蜀人初自岷山出居襄漢間後遇玄宗爲翰林供奉
未幾不合居商遊覽山水數年北去抵趙魏西涉邠岐訪四
皓墓有我行至商洛之句

元 稹字微之憲宗五年春貶爲江陵士曹史記河南尹房式
有不法事御史元稹奏攝之擅令停務朝廷以爲不可罰俸
召還至富水驛有內侍後至破驛門擊稹傷面久棲此地乃
出

韓 愈字退之河陽人唐建都關兩憲宗遣使者往鳳翔迎佛
骨入禁中愈爲刑部侍郎上表切諫帝大怒持示宰相將抵
以死裴度崔羣力救乃貶潮州刺史商州志文公貶潮時道
經層峯驛女亡葬此有留題層峯驛亡女詩卽今邑西永安
寨寨北有文公亭基址

高太素商山隱士開元時屢徵不起構道院二十餘間起居清
心亭下皆茂林修竹奇花異卉每日十二時至一時卽有一

猿詣亭前鞠躬而啼不易其候太素因目之爲報時猿廣輿
記太素避居山中建六逍遙館一晴夏晚雲一中秋午月一
冬日初出一春雪未融一夜階急雨一暑簟清風邑雙峯用
子山三字高太素書由南巖數十步又書清風二字相傳卽
暑簟清風館舊處

宋

王禹偁字元之濟州人進士太宗時謫商州團練副使盤桓富
水彌月有富水地雖在陽城名豈知之句富水古陽城驛也

全詩載
藝文

商南縣志

卷九 流寓

二

西安藝林印書社代印

藝術

清

增

洪 範字九疇邑東廩生性靈敏有巧思信以交友和以處衆
創修邑城隍廟及萬年樓式樣新雅頗見匠心並指示築隄
防水各法鄉人賴之

桂蘭馥邑東鄉人性和平幼業儒積學未售繼學岐黃從明醫
璩志雅遊不數年盡羿之道人有請者徒步而往藥到病除
若遇急症星夜救之貧不能醫者給之藥不取值以是聲名
大噪或延往治或就近醫遠近病者日填於門公一一應付

商南縣志

卷九 藝術

一

西安藝林印書社代印

之全活甚衆

方儀矩字 聰穎有氣節讀書務明大義不汲汲於功名入
泮後改習岐黃堪輿二業謂坐井觀天不足以廣見聞自備
資斧徧遊直隸山東河南諸省尋師訪友廣覽醫學地理各
書其妙術回生造福實非淺鮮多材如公亦我商之不可多
得者

程 箴字福堂增廣生純厚寬和士林重之尤精岐黃術遠近
知名延治就醫者日填於門行醫數十年活人無算所謂和
緩復生信

陳光耀字煥亭性孝友年四十不第改習岐黃活人無算且捐

義倉施船稞貧民旅客均利賴之

商南縣志

卷九 藝術

二

西安藝林印書社代印